



---

*Suí iomlánach*

---

**A9-0011/2024**

29.1.2024

**\*\*\***

## **MOLADH**

ar an dréachtchinneadh ón gComhairle i ndáil le tabhairt i gcrích an  
Chomhaontaithe Eatramhaigh maidir le Trádáil idir an tAontas Eorpach agus  
Poblacht na Sile  
(11667/2023 – C9-0466/2023 – 2023/0259(NLE))

An Coiste um Thrádáil Idirnáisiúnta

Rapóirtéir: Samira Rafaela

***Eochair do na siombailí a úsáidtear***

- \* An nós imeachta comhairliúcháin
- \*\*\* Nós imeachta an toilithe
- \*\*\*I An gnáthnós imeachta reachtach (an chéad léamh)
- \*\*\*II An gnáthnós imeachta reachtach (an dara léamh)
- \*\*\*III An gnáthnós imeachta reachtach (an tríú léamh)

(Braitheann an cineál nós imeachta ar an mbunús dlí a mholtar sa dréachtghníomh.)

## CLÁR

### Leathanach

DRÉACHTRÚN REACTACH Ó PHARLAIMINT NA hEORPA .....	5
RÁITEAS MÍNIÚCHÁIN .....	6
IARSCRÍBHINN: NA hEINTITIS NÓ NA DAOINE ÓNA bhFUAIR AN RAPÓIRTÉIR IONCHUR .....	9
TUAIRIM ÓN GCOISTE UM THALMHAÍOCHT AGUS UM FHORBAIRT TUAITHE...	11
AN NÓS IMEACHTA - COISTE FREAGRACH .....	16
VÓTÁIL CHRÍOCHNAITHEACH LE GLAO ROLLA SA CHOISTE FREAGRACH.....	17



## DRÉACHTRÚN REACHTACH Ó PHARLAIMINT NA hEORPA

**ar an dréachtchinneadh ón gComhairle i ndáil le tabhairt i gcrích an Chomhaontaithe Eatramhaigh maidir le Trádáil idir an tAontas Eorpach agus Poblacht na Sile (11667/2023 – C9-0466/2023 – 2023/0259(NLE))**

**(Toiliú)**

*Tá Parlaimint na hEorpa,*

- ag féachaint don dréachtchinneadh ón gComhairle (11667/2023),
  - ag féachaint don dréacht-Chomhaontú Eatramhach maidir le Trádáil idir an tAontas Eorpach agus Poblacht na Sile (11668/2023),
  - ag féachaint do Ráiteas Comhpháirteach i dtaca leis na Forálacha maidir le Trádáil agus leis an bhForbairt Inbhuanaithe atá sa Chomhaontú Eatramhach maidir le Trádáil idir an tAontas Eorpach agus Poblacht na Sile, atá i gceangal leis an gComhaontú,
  - ag féachaint don iarraidh ar thoiliú a thíolaic an Chomhairle i gcomhréir le hAirteagal 91(1), Airteagal 100(2), Airteagal 207(4) an chéad fhomhír, Airteagal 218(6), an dara fhomhír, pointe (a)(v), agus Airteagal 218(7) den Chonradh ar Fheidhmiú an Aontais Eorpaigh (CFAE) (C9-0466/2023),
  - ag féachaint do rún neamhrechtach uaithi an ...<sup>1</sup> ar an togra don dréachtchinneadh ón gComhairle maidir le tabhairt i gcrích Chreat-Chomhaontaithe Ardleibhéil idir an tAontas Eorpach agus a Bhallstáit, de pháirt, agus Poblacht na Sile, den pháirt eile,
  - ag féachaint do Riail 105(1) agus (4) agus do Riail 114(7) dá Rialacha Nós Imeachta,
  - ag féachaint don mholadh ón gCoiste um Thrádáil Idirnáisiúnta (A9-0011/2024),
1. ag tabhairt a toilithe do thabhairt i gcrích an chomhaontaithe;
  2. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig rialtais agus parlaimintí na mBallstát agus Phoblacht na Sile.

---

<sup>1</sup> Téacsanna arna nglacadh an dáta sin, P8\_TA(0000)0000.

## RÁITEAS MÍNIÚCHÁIN

Tá caidreamh polaitiúil agus eacnamaíoch an Aontais leis an tSile á rialú faoi láthair ag Comhaontú Comhlachais 2002. Mar sin féin, tá athrú suntasach tagtha ar an domhan ó 2002 i leith, agus tá an caidreamh trádála agus infheistíochta idir an tAontas agus an tSile fós faoi bhun a n-acmhainneachta le blianta beaga anuas. Dá bhrí sin, chuir an tAontas agus an tSile tús leis an gcaibidlíocht maidir le nuachóiriú an chomhaontaithe in 2017 chun an comhaontú a thabhairt i gcomhréir leis na caighdeáin is forbartha agus chun leas a bhaint as acmhainneacht neamhshaothraithe. Tugadh an chaibidlíocht maidir leis an gcuid trádála chun críche ar an leibhéal teicniúil i mí Dheireadh Fómhair 2021. Fógraíodh an comhaontú i bprionsabal maidir leis an gCreat-Chomhaontú Ardleibhéil nua idir an tAontas agus an tSile agus an Comhaontú Eatramhach maidir le Trádáil (CET) an 9 Nollaig 2022.

Is éard atá i gceist leis an gCreat-Chomhaontú Ardleibhéil cuid pholaitiúil agus comhair agus cuid trádála agus infheistíochta, lena n-áirítear léirscaoileadh infheistíochta agus forálacha cosanta infheistíochta. Tá próiseas daingniúcháin dériain á dhéanamh ar an téacs comhaontaithe. Ós rud é go bhfuil forálacha sa Chreat-Chomhaontú Ardleibhéil ina iomláine maidir le réimsí beartais a chomhroinneann an tAontas inniúlacht ina leith le Ballstáit an Aontais, amhail cosaint infheistíochta, cuirfear faoi bhráid Pharlaimint na hEorpa é le haghaidh toiliú agus cuirfear faoi bhráid Bhallstáit uile an Aontais é lena dhaingniú i gcomhréir lena gceanglais bhunreachtúla. I gcomhthráth leis an gCreat-Chomhaontú Ardleibhéil, moladh CET, nach bhfuil ann ach forálacha trádála agus infheistíochta den Chreat-Chomhaontú Ardleibhéil a thagann faoi inniúlacht eisiach an Aontais, lena shíniú agus lena thabhairt chun críche i nós imeachta daingniúcháin AE amháin. Beidh gá le toiliú ó Pharlaimint na hEorpa le haghaidh CET, agus ina dhiaidh sin, le glacadh an chinnidh ón gComhairle maidir lena thabhairt i gcrích. A luaithe a thiocfaidh an Creat-Chomhaontú Ardleibhéil i bhfeidhm, rachaidh CET in éag go huathoibríoch.

Tá an tSile ar cheann de na tíortha is rathúla agus is tionsclaithe i Meiriceá Laidineach. Tá geilleagar an-oscailte aici, atá ag brath go mór ar thrádáil idirnáisiúnta. Is í an tSile an tríú comhpháirtí trádála is mó atá ag an Aontas i Meiriceá Laidineach, ach i gcás na Sile, is é an tAontas an tríú comhpháirtí trádála is mó atá aici ar an iomlán agus is é an fhoinsé is mó d'infheistíocht dhíreach choigríche atá aici.

Mar thoradh ar an gComhaontú Comhlachais atá ann cheana, tá méadú suntasach tagtha ar mhéideanna trádála agus infheistíochta idir an tAontas agus an tSile ó tháinig sé i bhfeidhm in 2003. Tháinig méadú 142 % ar an trádáil dhéthaobhach idir an tAontas agus an tSile idir 2002 agus 2021. Mar sin féin, tá an caidreamh trádála agus infheistíochta fós faoi bhun a n-acmhainneachta le blianta beaga anuas, ós rud é go bhfuil comhaontuithe níos forbartha tugtha i gcrích ag an dá thaobh le comhpháirtithe eile idir an dá linn. Mar thoradh air sin, tá athrú tagtha ar AE ó bheith ar an gcéad chomhpháirtí trádála ag an tSile in 2003-2009 go dtí an tríú háit (tar éis na Síne agus na Stát Aontaithe) inniu.

Leis an gcomhaontú nuachóirithe, beidh an dá thaobh in ann a dtrádáil dhéthaobhach agus a n-infheistíocht dhéthaobhach a mhéadú go mór, ós rud é go gcruthófar leis deiseanna nua agus forbairt a rachaidh chun tairbhe don dá thaobh. Leis sin, léirscaoilfear 96 faoin gcéad de na línte taraife talmhaíochta nach bhfuil léirscaoilte go fóill ar thaobh na Sile agus 66 % ar thaobh an Aontais, thar sheacht mbliana ar a mhéad, lena n-áirítear taraif-chuótaí atá ann

cheana do cháis de chuid an Aontais agus do tháirgí gránaigh próiseáilte de chuid na Sile. Is é an toradh a bheidh air sin ná go mbeidh níos mó ná 95 % den trádáil dhéthaobhach in earraí saor ó dhleacht. I gcás táirgí an-íogair, beidh feidhm fós ag eisiamh, lena n-áirítear le haghaidh siúcra ar an dá thaobh agus bananaí agus ríse ar thaobh an Aontais. Leanfaidh torthaí agus glasraí de chuid na Sile de bheith faoi réir chóras praghais iontrála an Aontais. Cuirfidh an tAontas rochtain bhreise ar an margadh ar fáil i bhfoirm cuótaí méadaithe saor ó dhleacht d'éineoil, muiceoil, caoireoil, mairteoil, gairleog agus iasc stánaithe ón tSile. Osclófar cuótaí nua den sórt sin don tSile le haghaidh ola olóige, ullmhóidí torthaí agus nithe eile. Tabharfaidh an comhaontú cosaint ar 216 thásc gheografacha ón Aontas sa tSile agus ar 18 dtásc gheografacha ón tSile san Aontas. Rinneadh trádáil dhéthaobhach in earraí tionsclaíocha a léirscaoileadh go hiomlán cheana féin faoin gcomhaontú reatha.

Tá caibidlí úrscothacha maidir le hinfheistíocht agus seirbhísí in CET freisin, lena n-áirithítear go gcaithfear le hinfheisteoirí Eorpacha ar an mbealach céanna le hinfheisteoirí na Sile agus a ngnólachtaí á mbunú agus á bhfeidhmiú acu sa tSile, agus a mhalairt. Leis an gcomhaontú, cosnaítear ceart na n-údarás poiblí rialáil a dhéanamh ar mhaithe le leas an phobail. Áirítear leis sin an ceart seirbhísí poiblí amhail oideachas, cúram sláinte agus uisce a choinneáil ar bun nó seirbhísí a sholáthraítear go príobháideach a thabhairt ar ais don earnáil phoiblí.

Is díol sásaimh ar leith don rapóirtéir gur thug an Coimisiún aird ar iarrataí ó Pharlaimint na hEorpa go gcuimseofaí caibidil thiomnaithe agus neamhspleách maidir le trádáil agus inscne, an chéad cheann riamh i gcomhaontú trádála AE. Tá an comhionannas inscne ar cheann de bhunluachanna an Aontais, agus ní mór é a chur chun cinn ag gach céim agus trí gach beartas. Leis an gcaibidil seo, agus gealltanais uailmhianacha ann, leagfar amach fasach nua do phríomhshruthú an chomhionannais inscne trí chaidreamh trádála an Aontais.

Cuirfidh an comhaontú nua freisin le haistriú glas níos córa agus níos cothroime don dá chomhpháirtí. Thar aon ní eile, áiríteofar leis an gcomhaontú go mbeidh rochtain saor ó idirdhealú ar amhábhair chriticiúla agus ar fhuinneamh glan, agus go gcuirfear le breisluach áitiúil sa tSile ag an am céanna. Leis an gcaibidil maidir le fuinneamh agus amhábhair, cuirtear toirmeasc ar mhonaplachtaí onnmhairiúcháin agus allmhairiúcháin agus ar dhéphraghsáil, cé go dtugtar roinnt spáis beartais don tSile chun teacht chun cinn earnálacha tionsclaíocha nua a éascú trí phraghas intíre níos ísle a shocrú laistigh de theorainneacha áirithe.

Áirítear in CET freisin caibidil chuimsitheach maidir le Trádáil agus Forbairt Inbhuanaithe (TSD), ina bhfuil gealltanais uailmhianacha agus cheangailteacha maidir le cúrsaí sóisialta, saothair agus comhshaoil. Thairis sin, tá gealltanais tugtha ag an tSile agus ag an Aontas i ráiteas comhpháirteach a ghabhann le CET athbhreithniú a dhéanamh ar an gcomhaontú a luaithe a thiocfaidh sé i bhfeidhm chun é a ailíniú leis na caighdeáin inbhuanaitheachta is cothroime le dáta, go háirithe cur chuige nua an Aontais maidir le Trádáil agus Forbairt Inbhuanaithe. Áiríteofar leis sin go mbeidh na gealltanais maidir le cearta sóisialta agus saothair, lena n-áirítear cearta dúchasacha amhail saorthoilíú feasach roimh ré, chomh maith le caighdeáin chomhshaoil, infhorfheidhmithe ar bhealach níos éifeachtaí.

Cuirfidh CET ar chumas an Aontais a chaidreamh le ceann dá chomhpháirtithe is tábhachtaí agus is iontaofa i Meiriceá Laidineach a chomhdhlúthú agus a neartú a thuilleadh. Léirítear sa chomhaontú gur féidir leis an Aontas oibriú i gcomhar le comhpháirtithe atá ar aon intinn leis chun trádáil chothrom, inbhuanaithe agus bunaithe ar luachanna a chur chun cinn. Tráth atá an

t-ord domhanda iltaobhach, lena n-áirítear trádáil oscailte riailbhunaithe, á cheistiú níos mó ná riamh, is comhartha láidir é an comhaontú seo freisin i gcoinne treochtaí cosantacha agus cuireann sé ar chumas an dá chomhpháirtí a slabhraí soláthair a éagsúlú.

Leis an gcomhaontú, cuirfear an caidreamh trádála agus infheistíochta idir an tAontas agus an tSile i gcomhréir leis na caighdeáin is forbartha i réimsí a bhaineann, i measc nithe eile, le cosaint an chomhshaoil, cearta saothair, comhionannas inscne agus cearta an duine agus cearta na bpobal dúchasach. Cuirfidh sé deireadh le formhór na dtaraifí atá fágtha agus cruthóidh sé deiseanna suntasacha nua don fhás eacnamaíoch agus don fhorbairt inbhuanaithe. Trí chóir chomhionann a áirithiú d'infheisteoirí ón dá thaobh, spreagfaidh an comhaontú tuilleadh cuideachtaí Eorpacha chun infheistíocht a dhéanamh sa tSile agus a mhalairt, lena n-áirítear in earnálacha straitéiseacha amhail fuinneamh in-athnuaite agus amhábhair.

Dá bhrí sin, molann an Rapóirtéir toiliú a thabhairt don chomhaontú.



## IARSCRÍBHINN: NA HEINTITIS NÓ NA DAOINE ÓNA bhFUAIR AN RAPÓIRTÉIR IONCHUR

De bhun Airteagal 8 d'Iarscríbhinn I a ghabhann leis na Rialacha Nós Imeachta, dearbhaíonn an rapóirtéir go bhfuair sí ionchur ó na heintitis nó ó na daoine a leanas in ullmhú na tuarascála, go dtí go nglacfar sa choiste í:

<b>Eintiteas agus/nó duine</b>
Mission of Chile to the European Union
Chilean Vice-Minister for Trade
Indigenous representative
DigitalEurope
BusinessEurope
European Climate Foundation
American Chamber of Commerce to the EU
EuroChambres
Copa-Cogeca
EUROBAT
International Labour Organization
Greenpeace
Oxfam
Human Rights Watch
European Raw Materials Alliance
Chilean Minister of Economy, Development and Tourism
Chilean Minister of Mining
Chilean Minister of Energy
Chilean Minister of Labour
Confederación de la Producción y del Comercio
Sociedad de Fomento Fabril
Cámara de Comercio de Santiago
Unión Nacional de Trabajadores
Central Autónoma de Trabajadores
Central Unitaria de Trabajadores
Diego Portales University
Comunidad de Organizaciones Solidarias
Observatorio Ciudadano
Centre for Intercultural Indigenous Studies
Feminist Lawyers' Association
Andres Hurtado University
Chile's Fair Trade Association
Chilean Minister Secretary General of the Presidency
Chilean Minister for Foreign Affairs
European Services Forum
Catholic University of Valparaíso-Chile
Women Economic Forum Chile

CELCAA
Chilean Senate representatives
Chilean Undersecretary of Foreign Affairs
President of Chile
Minister of Finance
Chilean Constitutional Convention representatives
Observatorio Nueva Constitución
Espacio Público, Rumbo Colectivo
Instituto de Estudios de la Sociedad
LEASUR
Rompiendo el Silencio
Directora Observatorio contra el Acoso Callejero
Universidad de Chile
Municipality of Peñalolén
Universidad de Santiago de Chile

Déantar an liosta thuas a tharraingt suas faoi fhreagracht eisiach an Rapóirtéara.

7.12.2023

## **TUAIRIM ÓN GCOISTE UM THALMHAÍOCHT AGUS UM FHORBAIRT TUAITHE**

chuig an gCoiste um Thrádáil Idirnáisiúnta

ar an gComhaontú Eatramhach maidir le Trádáil idir an tAontas Eorpach agus Poblacht na Sile  
(COM2023/0435 – C9-0000 – 2023/0259(NLE))

Rapóirtéir don tuairim: Francisco Guerreiro

### **RÉASÚNÚ GEARR**

An 13 Samhain 2017, thug an Chomhairle údarú tús a chur leis an gcaibidlíocht leis an tSile le haghaidh nuachóiriú a dhéanamh ar Chomhaontú Comhlachais 2002 idir an tAontas agus an tSile atá ann cheana. Tugadh an chaibidlíocht i gcrích ar an leibhéal teicniúil i mí Dheireadh Fómhair 2021, agus, tar éis roinnt pléití déthaobhacha a tharla ina dhiaidh sin, foilsíodh caibidlí an Chomhaontaithe faoin 9 Nollaig 2022, agus tugadh cothrom le dáta iad mar an Creat-Chomhaontú Ardleibhéil idir an tAontas agus an tSile.

Tá gnéithe den inniúlacht roinnte leis na Ballstáit sa Chreat-Chomhaontú Ardleibhéil, agus, dá bhrí sin, cuirfear faoi bhráid Pharlaimint na hEorpa é le haghaidh toiliú agus faoi bhráid Bhallstáit uile an Aontais lena dhaingniú freisin. Idir an dá linn, beidh forálacha an Chreat-Chomhaontaithe Ardleibhéil maidir le rochtain ar an margadh trádála agus infheistíochta faoi réir nós imeachta daingniúcháin an AE amháin mar Chomhaontú Trádála Eatramhach faoi inniúlacht eisiach AE. Rachaidh an Comhaontú Trádála Eatramhach sin in éag a luaithe a thiocfaidh an Creat-Chomhaontú Ardleibhéil i bhfeidhm.

Leis an gCreat-Chomhaontú Ardleibhéil, baintear ardleibhéal léirscaoilte taraifí amach ar thaobh na Sile, rud a fhágann go bhfuil 99.9 % d'onnmhairí AE saor ó tharaifí dá bharr. Mar sin féin, ní áirítear táirgí íogaire an dá pháirtí, go háirithe siúcra do AE agus don tSile, agus rís agus bananaí do AE, sa Chreat-Chomhaontú Ardleibhéil. Ní thugtar rochtain bhreise ar mhargadh an Aontais ach amháin i bhfoirm cuótaí saor ó dhleacht. Leis an gCreat-Chomhaontú Ardleibhéil, cuíchóirítear cuótaí saor ó dhleacht atá ann cheana a dheonaítear don tSile i leith mairteola agus caoireola, lena gcuirtear deireadh leis an ráta fáis bliantúil agus lena soiléirítear méideanna seasta. Seachas an méadú a bhaineann le héanlaith chlóis, is méaduithe réasúnta beag atá tagtha ar chuótaí saor ó dhleacht atá ann cheana i leith muiceola, gairleoige agus iasc stánaithe. Leis an gComhaontú, cosnaítear 216 thásc geografach (TGanna) eile le haghaidh táirgí agraibhia Eorpacha agus 18 TG ón tSile.

I gcomhréir leis an rún ón bParlaimint an 14 Meán Fómhair 2017, féachtar leis an gComhaontú le forbairt a dhéanamh ar an gComhaontú Comhlachais atá ann cheana trí chaibidil thiomnaithe maidir le trádáil agus forbairt inbhuanaithe (TFI) a chur leis. Tá

bunchaighdeáin na hEagraíochta Idirnáisiúnta Saothair (EIS) agus Chomhaontú Pháras le fáil faoin gcaibidil seo maidir le TFI agus, dá bhrí sin, ní áirítear iad go fóill mar ghnéithe riachtanacha den chomhaontú, faoi réir smachtbhannaí faoin gcaibidil ghinearálta maidir le réiteach díospóidí. Mar sin féin, leis an gcaibidil maidir le TFI, cuirtear de cheangal ar an dá pháirtí Comhaontú Pháras agus na Rannchuidithe arna gCinneadh go Náisiúnta a chur chun feidhme go héifeachtach, agus foráiltear do chlásal athbhreithniúcháin nua faoinar féidir athbhreithniú a dhéanamh ar fhorálacha TFI chun caighdeáin chomhshaoil agus shóisialta atá ag athrú a chur san áireamh.

Áirítear sa Chomhaontú caibidil thiomnaithe maidir le córais bhia inbhuanaithe a bheidh mar bhonn do chomhar feabhsaithe idir an tAontas agus an tSile le haghaidh an aistriú chuig córas bia inbhuanaithe, lena n-áirítear comhar maidir le frithsheasmhacht in aghaidh ábhair fhrithmhiocróbacha agus le leas ainmhithe. Geallann an dá pháirtí go gcoinneoidh siad a dtoirmeasc reatha ar úsáid antaibheathach mar spreagthóirí fáis.

I gcomhréir le hAirteagal 218(6) den Chonradh ar Fheidhmiú an Aontais Eorpaigh, tá gá le toiliú ó Pharlaimint na hEorpa chun go nglacfaidh an Chomhairle cinneadh lena dtabharfar an Comhaontú i gcrích.

I bhfianaise an mhéid thuas, molann an Rapóirtéir go dtabharfaidh an Pharlaimint a toiliú do thabhairt i gcrích an Chomhaontaithe.

\*\*\*\*\*

Iarrann an Coiste um Thalmhaíocht agus um Fhorbairt Tuaithe ar an gCoiste um Thrádáil Idirnáisiúnta, mar an coiste atá freagrach, a mholadh go dtabharfaí formheas don togra le haghaidh cinneadh ón gComhairle maidir le tabhairt i gcrích an Chomhaontaithe Eatramhaigh maidir le Trádáil, thar cheann an Aontais Eorpaigh, idir an tAontas Eorpach agus Poblacht na Sile.

## **IARSCRÍBHINN: NA HEINTITIS NÓ NA DAOINE ÓNA bhFUAIR AN RAPÓIRTÉIR IONCHUR**

Dearbhaíonn an Rapóirtéir faoina fhreagracht eisiach nach bhfuair sé ionchur ó aon eintiteas ná ó aon duine atá le lua san Iarscríbhinn seo de bhun Airteagal 8 d'Iarscríbhinn I a ghabhann leis na Rialacha Nós Imeachta.

## AN NÓS IMEACHTA – COISTE AR IARRADH TUAIRIM AIR

<b>Teideal</b>	Comhaontú Eatramhach maidir le Trádáil idir an tAontas Eorpach agus Poblacht na Sile
<b>Tagairtí</b>	2023/0259(NLE)
<b>An Coiste Freagrach</b>	INTA
<b>Rapóirtéir don tuairim</b> Dáta an cheapacháin	Francisco Guerreiro 19.9.2023
<b>Pléite sa choiste</b>	25.10.2023
<b>Dáta an ghlactha</b>	7.12.2023
<b>Toradh na vótála chríochnaithí</b>	+: 19 –: 9 0: 3
<b>Feisirí a bhí i láthair ag an vótáil chríochnaitheach</b>	Mazaly Aguilar, Clara Aguilera, Carmen Avram, Benoît Biteau, Franc Bogovič, Daniel Buda, Asger Christensen, Ivan David, Jérémy Decerle, Herbert Dorfmann, Luke Ming Flanagan, Francisco Guerreiro, Martin Häusling, Martin Hlaváček, Camilla Laureti, Gilles Lebreton, Norbert Lins, Colm Markey, Marlene Mortler, Ulrike Müller, Juozas Olekas, Bert-Jan Ruissen, Anne Sander
<b>Comhaltaí ionaid a bhí i láthair ag an vótáil chríochnaitheach</b>	Claude Gruffat, Peter Jahr, Gabriel Mato, Dan-Ștefan Motreanu, Michaela Šojdrová, Thomas Waitz
<b>Comhaltaí ionaid faoi Riail 209(7) a bhí i láthair ag an vótáil chríochnaitheach</b>	Vlad Gheorghe, Eric Minardi

## VÓTÁIL CHRÍOCHNAITHEACH LE GLAO ROLLA SA CHOISTE AR IARRADH TUAIRIM AIR

19	+
ECR	Mazaly Aguilar, Bert-Jan Ruissen
PPE	Franc Bogovič, Herbert Dorfmann, Peter Jahr, Norbert Lins, Colm Markey, Gabriel Mato, Marlene Mortler, Dan-Ștefan Motreanu, Michaela Šojdrová
Renew	Asger Christensen, Vlad Gheorghe, Martin Hlaváček, Ulrike Müller
S&D	Clara Aguilera, Carmen Avram, Camilla Laureti, Juozas Olekas

9	-
ID	Ivan David, Gilles Lebreton, Eric Minardi
PPE	Anne Sander
Renew	Jérémy Decerle
The Left	Luke Ming Flanagan
Verts/ALE	Benoît Biteau, Claude Gruffat, Martin Häusling

3	0
PPE	Daniel Buda
Verts/ALE	Francisco Guerreiro, Thomas Waitz

Eochair do na siombailí a úsáidtear:

+ : i bhfabhar

- : i gcoinne

0 : staonadh

## AN NÓS IMEACHTA - COISTE FREAGRACH

<b>Teideal</b>	Comhaontú Eatramhach ar Thrádáil idir an tAontas Eorpach agus Poblacht na Sile
<b>Tagairtí</b>	11667/2023 – C9-0466/2023 – 2023/0259(NLE)
<b>Dáta an chomhairliúcháin nó na hiarrata ar thoiliú</b>	14.12.2023
<b>An Coiste Freagrach</b> Dáta a fógraíodh sa suí iomlánach	INTA 25.1.2024
<b>Coistí ar iarradh tuairim orthu</b> Dáta a fógraíodh sa suí iomlánach	AGRI 25.1.2024
<b>Rapóirtéirí</b> Dáta an cheapacháin	Samira Rafaela 19.7.2023
<b>Pléite sa choiste</b>	28.11.2023
<b>Dáta an ghlaictha</b>	24.1.2024
<b>Toradh na vótála chríochnaithí</b>	+ :                    31 - :                    4 0 :                    3
<b>Feisirí a bhí i láthair ag an vótáil chríochnaitheach</b>	Barry Andrews, Tiziana Beghin, Saskia Bricmont, Jordi Cañas, Daniel Caspary, Markéta Gregorová, Roman Haider, Heidi Hautala, Karin Karlsbro, Miapetra Kumpula-Natri, Danilo Oscar Lancini, Bernd Lange, Margarida Marques, Gabriel Mato, Sara Matthieu, Emmanuel Maurel, Carles Puigdemont i Casamajó, Samira Rafaela, Inma Rodríguez-Piñero, Ernő Schaller-Baross, Helmut Scholz, Joachim Schuster, Sven Simon, Dominik Tarczyński, Kathleen Van Brempt, Marie-Pierre Vedrenne, Jörgen Warborn, Jan Zahradil, Juan Ignacio Zoido Álvarez
<b>Comhaltaí ionaid a bhí i láthair ag an vótáil chríochnaitheach</b>	Michiel Hoogeveen, Włodzimierz Karpiński, Liudas Mažylis
<b>Comhaltaí ionaid faoi Riail 209(7) a bhí i láthair ag an vótáil chríochnaitheach</b>	Hildegard Bentele, Izaskun Bilbao Barandica, Paolo Borchia, Antonio Maria Rinaldi, Domènec Ruiz Devesa, Lucia Vuolo
<b>Dáta don chur síos</b>	29.1.2024



## VÓTÁIL CHRÍOCHNAITHEACH LE GLAO ROLLA SA CHOISTE FREAGRACH

31	+
ECR	Michiel Hoogeveen, Dominik Tarczyński, Jan Zahradil
ID	Paolo Borchia, Danilo Oscar Lancini, Antonio Maria Rinaldi
NI	Tiziana Beghin, Carles Puigdemont i Casamajó, Ernő Schaller-Baross
PPE	Hildegard Bentele, Daniel Caspary, Włodzimierz Karpiński, Gabriel Mato, Liudas Mažylis, Sven Simon, Lucia Vuolo, Jörgen Warborn, Juan Ignacio Zoido Álvarez
Renew	Barry Andrews, Izaskun Bilbao Barandica, Jordi Cañas, Karin Karlsbro, Samira Rafaela, Marie-Pierre Vedrenne
S&D	Miapetra Kumpula-Natri, Bernd Lange, Margarida Marques, Inma Rodríguez-Piñero, Domènec Ruiz Devesa, Joachim Schuster, Kathleen Van Brempt

4	-
The Left	Emmanuel Maurel, Helmut Scholz
Verts/ALE	Saskia Bricmont, Sara Matthieu

3	0
ID	Roman Haider
Verts/ALE	Markéta Gregorová, Heidi Hautala

Eochair do na siombailí a úsáidtear:

+ : i bhfabhar

- : i gcoinne

0 : staonadh